

KJKP "RAD" d.o.o. SARAJEVO, Paromlinska 57 (u daljem tekstu: "kupac"), koga zastupa v.d. direktor Mirsad Hošić, dipl.ing.maš.

Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-2208077649 UniCredit banka d.d. Sarajevo

i

"INTER AUTO" d.o.o. Sarajevo, ulica Porodice Ribar br. 41 (u daljem tekstu: "prodavac"), koga zastupa direktor Samir Mujkić.

Broj rješenja: 1-21540
Porezni broj: 200204580000
Identifikacioni PDV broj: 4200204580000
Transakcijski račun broj: 1610000041280010 Raiffeisen Bank d.d BiH

zaključili su:

U G O V O R

o isporuci rezervnih dijelova za motorna vozila Renault

PREDMET UGOVORA

Član 1.

Predmet ovog Ugovora je isporuka rezervnih dijelova za motorna vozila Renault za potrebe KJKP "RAD" d.o.o. Sarajevo, prema ponudi broj: 111018/18 od 11.10.2018. godine i Okvirnom sporazumu od 01.11.2018. godine.

Član 2.

Kupoprodaja robe iz prethodnog člana vršit će se narudžbenicom kupca. Narudžbenica treba da sadrži asortiman, količinu, klasu, i rokove isporuke, puni naziv i adresu sjedišta, identifikacioni broj, naziv banke i broj računa.

CIJENA I NAČIN PLAĆANJA

Član 3.

Cijene robe iz člana 1. ovog ugovora su fiksne. Fakturisanje se vrši po važećem cjenovniku i jediničnim cijenama Prodavca iskazanom u ponudi broj: 111018/18 od 11.10.2018. godine koja čini sastavni dio ovog Ugovora.

Očekivana vrijednost prema godišnjim potrebama iznosi: 50.000,00 KM bez uračunatog PDV-a, a isti će se obračunavati u skladu sa važećim propisima.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

Prodavac će Kupcu fakturisati isporuku robe na osnovu dokumentacije o prijemu robe ovjerenu od strane ovlaštenog lica Kupca, a datum fakturisanja se smatra datumom nastanka dužničko-povjerilačkog odnosa.

Kupac svoje obaveze po fakturi Prodavca izmiruje u roku od 90 dana sa plaćanjem na transakcijski račun Prodavca.

ROK ISPORUKE

Član 4.

Rok isporuke robe iz člana 1. Ugovora je 7 (sedam) dana od dana dostavljanja narudžbe u skladište Kupca po vrsti, količini i u roku.

Prodavac će isporučivati robu prema dogovorenoj dinamici u skladu sa potrebama Kupca.

GARANCIJA

Član 5.

Prodavac je obavezan dostaviti garanciju za dobro izvršenje posla 10 % vrijednosti ugovora.

Rok za dostavljanje garancije je 7 (sedam) dana od dana potpisivanja Ugovora. Vremensko važenje garancije je do 01.11.2021. godine.

KVANTITATIVNI I KVALITATIVNI PRIJEM

Član 6.

Kvantitativni prijem roba Kupac vrši prilikom preuzimanja istih, u svom skladištu.

Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

UGOVORNE KAZNE

Član 7.

U slučaju kašnjenja u isporuci robe, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

RASKID UGOVORA

Član 8.

Ako se u slučaju više sile, potpuno ili djelimično spriječi izvršenje obaveza po ovom ugovoru, ugovorna strana kod koje je nastupila viša sila je obavezna da obavijesti drugu ugovornu stranu o odlaganju ili raskidu ugovornih obaveza u roku od 7 (sedam) dana od momenta nastanka više sile.

Član 9.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.

ANTI-KORUPCIONA KLAUZULA

Član 10.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

OSTALE ODREDBE

Član 11.

Ovaj Ugovor stupa na snagu kada ga potpišu obje ugovorne strane i traje do 01.11.2021. godine.

Član 12.

Sve izmjene i dopune ovog Ugovora mogu se vršiti isključivo pismeno uz saglasnost ugovornih strana.

Član 13.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 14.

Sastavni dio ovog Ugovora je Ponuda broj: 111018/18 od 11.10.2018.godine.

ZAVRŠNE ODREDBE

Član 15.

Ugovor je sačinjen u šest (6) istovjetnih primjerka, 4 (četiri) za Naručioca, a 2 (dva) za Isporučioca. Ugovor stupa na snagu datumom obostranog potpisivanja.

Inter Auto d.o.o. Sarajevo
Direktor

KJKP "RAD" d.o.o. Sarajevo
v.d. Direktor

Samir Mujkić

Mirsad Hošić, dipl.ing.maš.

SUPOTPISNIK UGOVORA
v.d. Predsjednik Nadzornog odbora

Šaćira Konak, dipl.ecc

Broj: 05-03-04-_____/20
Dana, 07.12.2020. godine

KJKP "RAD" d.o.o. SARAJEVO, Paromlinska br. 57 (u daljem tekstu: "Kupac"), koga zastupa direktor Selim Babić, dipl.ing. građ.

Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-2208077649 UniCredit banka d.d. Sarajevo

i

SINHRON d.o.o. SARAJEVO, Franje Kluza br. 2 (u daljem tekstu: "prodavac"), koga zastupa direktor Sanida Hrvat.

Broj rješenja: 065-0-Reg-12-003196
Porezni broj: 01632718
Identifikacioni PDV broj: 4200012080003
Transakcijski račun broj: 1401031120017322 SBERBANK BH d.d.

zaključili su:

OKVIRNI SPORAZUM o isporuci rezervnih dijelova za motorno vozilo FAP

Član 1.

Na osnovu Okvirnog sporazuma (u daljem tekstu: sporazum) ugovorne strane će tokom cijelog ugovorenog perioda zaključivati ugovore iz oblasti za koju je proveden otvoreni postupak javne nabavke objavljen u Službenom glasniku.

Član 2.

Okvirni sporazum se odnosi na ponuđača koji je izabran kao najpovoljniji u provedenom otvorenom postupku za nabavku o isporuci rezervnih dijelova za motorno vozilo FAP, a prema usvojenoj ponudi broj: 279/18-T od 15.11.2018.godine, koja čini sastavni dio ovog sporazuma.

Okvirna vrijednost za period od tri godine iznosi: 90.000,00 KM bez uračunatog PDV-a.

Član 3.

Naručilac će nakon potpisivanja sporazuma, sa izabranim ponuđačem zaključiti ugovor o isporuci na godišnjem nivou sa preciziranom vrstom, kvalitetom, jediničnom cijenom i dinamikom isporuke spomenute robe.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

Član 4.

Ovaj sporazum se zaključuje na period od 3 (tri) godine sa mogućnošću njegovog raskida i prije tog roka.

Član 5.

Ukoliko se jedna od ugovornih strana ne pridržava odredaba ovog sporazuma druga ugovorna strana ima pravo na jednostrani raskid sporazuma.

Raskid sporazuma se vrši u pismenoj formi.

Član 6.

Ovaj sporazum se primjenjuje sa danom potpisivanja od obje ugovorne strane. Odredbe ovog sporazuma ne mogu se mjenjati nakon njegovog zaključenja.

Član 7.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 8.

Sastavni dio ovog Sporazuma je Ponuda broj: 279/18-T od 15.11.2018.godine.

Član 9.

Sporazum je sačinjen u šest (6) istovjetnih primjerka, 4 (četiri) za Naručioca, a 2 (dva) za Isporučioca.

ZA SINHRON d.o.o. Sarajevo
Direktor
Sanida Hrvat

ZA KJKP "RAD" d.o.o. Sarajevo
Direktor
Selim Babić, dipl.ing.građ.

SUPOTPISNIK SPORAZUM

Predsjednik Nadzornog odbora

Hajrudin Omerbegović, MA- dipl.ing.saobr.

